

UPUTSTVO ZA POPUNJAVANJE GODIŠNJEG IZVJEŠTAJA O ISKORIŠTAVANJU ŠUMA ŠUM - 21

Izveštaj se podnosi godišnje.

Izveštaj podnose sva preduzeća/poduzeća, zadruge i ostale organizacije koje se bave iskorištavanjem šuma, vrše sječu u i izvan šuma ili koriste nedrvne šumske proizvode i to odvojeno (tj. na posebnom obrascu) za državne i privatne šume.

Ako sječu drveta u privatnim šumama ili van šuma na privatnom zemljištu vrše vlasnici šuma izveštaj popunjava organ uprave nadležan za šumarstvo.

Za teritoriju svake općine popunjava se poseban izveštaj.

Obračun posječenog drvne mase vrši se na osnovu/temelju premjera ili podataka iz knjige doznake. Za šume u kojima se vrši čista sječa, podaci o posječenju drvnog mase unose se iz tabelarnog dijela "Plana iskorištavanja šuma" šumskoprivredne osnove, uređajnog elaborata, privredne osnove i sličnih planova koji sadrže podatke o drvnog mase krupnog drveta mjereno u dubecem stanju (na panju).

Tab. 1. Ukupna posječena drvena masa u šumi i izvan šume, po izvršiocima/izvršiteljima sječe

"**Preduzeća/poduzeća šumarstva**" su preduzeća/poduzeća, zadruge i organizacije kojima su šume predate na upravu i gazdovanje i koje u tim šumama vrše sječu.

"**Ostale organizacije**" su preduzeća/poduzeća i zadruge kojima sječa drveta nije glavna djelatnost, već je vrše povremeno za podmirivanje svojih potreba.

"**Građani**" su individualni proizvođači koji vrše sječu drveta u državnim šumama putem "maloprodaje" i vlasnici šuma koji vrše sječu u sopstvenim šumama na koje postoji pravo svojine. Ovdje se iskazuje i bespravno posječeno drvo.

"**Tehničko drvo**" ima povoljna fizička svojstva te je namijenjeno za razne tehničke svrhe. U tehničko drvo spadaju: rudničko drvo, stubovi za elektrovodove i telegrafsko-telefonske vodove, sitno tehničko drvo, ostalo oblo drvo, pragovi i ostalo tesano i cijepano drvo.

"**Industrijsko drvo**" ima povoljna fizička i hemijska/kemijska svojstva, a namijenjeno je za mehaničku ili hemijsku/kemijsku preradu. U industrijsko drvo spadaju: trupci za rezanje/piljenje, trupci za furnir i ljuštenje, drvo za drvene ploče, celulozno drvo, taninsko drvo, drvo za suhu destilaciju i borovi panjevi.

"**Ogrjevno drvo**" je drvo namijenjeno za ogrjev ili za proizvodnju drvenog uglja/ugljena.

"**Otpadak**" obuhvata sve dijelove drveta koji ostaju u šumi prilikom sječe (panjevina, sitna granjevina, gule, trulež i slično).

Tabela 2. Posječena drvena masa izvan šume

"**Posječena drvena masa izvan šume**" obuhvata ukupnu drvenu masu (krupno drvo) od stabala posječenih na obraslim površinama manjim od 5 ari i od stabala na međama i drvoredima. Ova drvena masa treba biti uključena u tabelu 1., a ne treba biti uključena u tabelu 3.

Tabela 3. Posječena drvena masa u šumi po vidovima sječe i oblicima gajenja

U ovoj "dvostruko" tabeli treba cjelokupnu posječenu drvenu masu (osim mase posječene izvan šume) iskazati po dva principa: po vidu sječe i obliku gajenja, tj. sve što je posječeno u šumi bilo kog tipa treba i iskazati po vidu sječe (redovna ili vanredna).

"**Redovna sječa**" se vrši po prethodno odobrenom planu.

"**Vanredna sječa**" nije planom predviđena: vjetroizvale, napadi insekata, biljne bolesti i sl. Ovdje se iskazuje i bespravno posječena drvena masa, bez obzira da li je bespravno posječeno drvo izvezeno iz šume ili nije.

"**Prorede i čišćenja**" su redovne/redovite sječe njega koje se provode/sprovode u visokim jednodobnim i izdanačkim (niskim) šumama u manjim ili većim vremenskim razmacima sa ciljem/svrhom da se obezbijedi razvoj kvalitetno najboljih stabala.

"**Visoke raznodobne šume**" su šume nastale pretežno iz sjemena u kojima se sječa i obnova vrše neprestano na cijeloj površini, pa su im stabla različite starosti i visine, izmješana međusobno pojedinačno ili u grupama. U visoke raznodobne šume iskezuju se i šume u kojima se gazduje skupinastim sistemom gazdovanja.

"**Visoke jednodobne šume**" su šume visokog oblika gajenja koje su postale pretežno iz sjemena, kao i vještački podignute šume u kojima su stabla približno jednake visine i starosti. Nastaju i poslije oplodnih sječa, kada se stabla posijeku u nekoliko navrata, obično u periodu od 20 godina.

"**Izdanačke (niske) šume**" su šume vegetativnog porijekla/podrijetla nastale pretežno/pretežito iz izdanaka iz panja.

"**Ostale kategorije šuma**" čine: šikare, makije, šibljadi i lisničke šume.

"**Šikare**" su degradirane izdanačke šume malog rasta i krčljivog drveća koje služe većinom za pašu i brst stoke.

"**Makije**" su zimzelene izdanačke šume nastale potiskivanjem stabala crnike u sredozemnom klimatskom području.

"**Šibljadi**" su degradirane izdanačke šume u kojima preovlađuju grmovi.

"**Lisničke šume**" su šume koje prvenstveno/ponajprije služe za kresanje lisnika u cilju/svrhu dobivanja hrane za stoku.

Tabela 4. Šume opterećene pašom

"Šume opterećene pašom" su one šume u koje se stoka redovno/redovito pušta na pašu bez obzira da li je paša dozvoljena ili nije.

Tabela 5. Iskorišteni nedrvni šumski proizvodi i plodovi

"**Jestivi šumski plodovi**" obuhvataju: gljive, šumske jagode, maline, drijen i drugo voće i jestive plodove iz šume.

"**Ostali sporedni šumski proizvodi**" obuhvataju: zakup/najam poljoprivrednog zemljišta u šumi, kamen, pijesak i vrijednost ostalih sporednih šumskih proizvoda koji nisu pojedinačno navedeni, osim šumske pašne koja je navedena u prethodnoj tabeli.

